



KENYATAAN BERSAMA SEMPENA HARI MEMPERINGATI MANGSA PENYIKSAAN DI PERINGKAT ANTARABANGSA

Enam matlamat harapan untuk mengurangkan risiko penyiksaan dalam tahanan polis di Malaysia, Filipina dan Thailand.

Association for Prevention of Torture (APT), Suara Rakyat Malaysia (SUARAM), Cross Cultural Foundation (CrCF) dan Task Force Detainees (TFDP) telah bergabung tenaga untuk mencegah amalan yang boleh menyebabkan penyiksaan berlaku dalam tahanan polis di Malaysia, Filipina dan Thailand.

Dalam bulan April 2021, kami telah melancarkan satu usaha yang akan dijalankan selama tiga setahun bagi mengurangkan amalan berisiko untuk menyebabkan penyiksaan. Usaha ini didanai oleh Kesatuan Eropah. Projek ini akan membantu mengukuhkan peranan badan hak asasi nasional dalam memantau pusat tahanan polis; meningkatkan amalan polis menerusi kesedaran dan latihan; dan mempromosi diskusi umum yang boleh membina sokongan masyarakat dalam mencegah penyiksaan. Kami berjanji untuk berdialog dan menjalin kerjasama dengan pihak-pihak berkepentingan di ketiga-tiga negara serta di seluruh rantau Asia Tenggara, ke arah masyarakat yang melayan setiap individu dengan bermaruah, hormat dan keadilan.

Awal bulan ini, Prinsip-Prinsip Wawancara Berkesan untuk Penyiasatan dan Pengumpulan Maklumat ("Prinsip-prinsip wawancara berkesan") telah dilancarkan kepada masyarakat antarabangsa. Prinsip ini menyediakan kerangka yang praktikal untuk meningkatkan mutu kerja pihak polis dalam penyiasatan dan pencegahan jenayah. Dengan ini, kami juga beriltizam untuk menyebarkan Prinsip-Prinsip ini untuk menginspirasi perubahan positif dalam institusi polis, agensi kerajaan yang relevan, badan kehakiman dan badan-badan berkepentingan lain.

Sempena Hari Memperingati Mangsa Penyiksaan Di Peringkat Antarabangsa pada 26 Jun 2021, kami menyeru semua pihak - terutama agensi kerajaan, pihak berkuasa polis, Institusi Hak Asasi Negara dan masyarakat civil - untuk mendukung, menerapkan dan memperjuangkan enam matlamat harapan berikut kearah mencegah penyiksaan:

- Untuk **menyokong dan melaksanakan pendekatan dan pengetahuan praktikal**, seperti Prinsip-prinsip wawancara berkesan bagi meningkatkan keberkesanan kepolisian dan meningkatkan keyakinan masyarakat terhadap sistem keadilan
- Untuk **membuka tahanan polis kepada pemantauan berkala dan bebas oleh Institusi Hak Asasi Negara**, dengan tujuan meningkatkan polisi, praktik dan keadaan pusat tahanan ke arah menjamin hak dan kesejahteraan tahanan, anggota polis dan sistem peradilan jenayah secara keseluruhan



- Untuk **mengurangkan jurang antara undang-undang dan praktik pada saat awal/peringkat awal penahanan polis** , terutamanya larangan pengakuan paksa dan penahanan yang menidakkan sebarang hubungan antara tahanan dengan peguam, doktor dan dunia luar.
- Untuk memastikan bahawa **usaha untuk mencegah penyiksaan disokong oleh bukti dan fakta, aturan undang-undang dan standard hak asasi manusia**, yang merupakan sifat semula jadi masyarakat yang aman dan demokratik
- Untuk **memupuk dan menggerakkan sokongan masyarakat**, tanpa mengira jantina, usia, agama, etnik, pendapat politik, status sosio-ekonomi atau latar belakang profesional, untuk menolak naratif yang membenarkan penyiksaan dalam semua bentuknya.

Kami juga berjanji untuk mendengar dan bekerjasama dengan semuapihak lain yang menyokong perubahan untuk melaksanakan enam matlamat harapan. Pendekatan kami akan bersifat inklusif, adil, partisipatif dan didorong oleh semangat "gotong-royong".

Bersama-sama, kita dapat mencegah penyiksaan.

Kenyataan dipersetujui bersama oleh:

Association for Prevention of Torture (APT), Switzerland

Suara Rakyat Malaysia (SUARAM), Malaysia

Task Force Detainees (TFDP), the Philippines

Cross Cultural Foundation (CrCF), Thailand

Penafian: Kesatuan Eropah membiayai projek "Mengurangkan amalan berisiko yang menyebabkan penyiksaan dan amalan tidak manusiawi dalam tahanan polis di Malaysia, Filipina dan Thailand". Walau bagaimanapun, kandungan kenyataan ini adalah tanggungjawab APT, SUARAM, TFDP dan CrCF sepenuhnya dan tidak menggambarkan pandangan Kesatuan Eropah.